

Напалкова Лариса Михайловна

Коми вөр-ва.

Ми олам Коми республикаын, и миян медся сөстөм да медся мича вөр став мушар вылас. Вөртөгьд и мортыд эськө эз вөв. Од йөзыс оз вермыны овны вөртөг. Вөр – миян вердысь. Сійö сетö миянлы тшак, тусь, звер-пöтка. Вөртөгьд весиг сынöдыс эськө вöлі дуркөн, няйтөн. И ми эськө важөн нин кулім, эз кö вөв вöрыд. Ставыс, мый быдмö вöрын, синтö гажöдö аслас мичөн.

Вöрса пемöсьяс сідз жö отсалöны мортлы овны. Ош, кöч да мукöд пемöс сетöны миянлы яй. Руч, ош и мукöдьяс сетöны миянлы куяс. А сэсся куясыс вурöны вылыс кöлуй йöзлы. Вөртөгьд миян керкаяс эськө вöлыны кöдзыдöсь. Од вöрын пуясысь ми вöчам пес, а сэсся песнас ми ломтам пачьяс, и минлы весиг медся кöдзыд тöвнас шоныд.

Но вöрыд вермас и дзикöдз вошны, öд ми сійöс ог бура видзöй. Быдлаö шыблалам ёг, а сэсся сэтчö вöчам ёг шыблалаін. Но медся ёна вөр бырöдöны пöжарьяс. А кызди жö артмöны тайö пöжарьясыс? Медся ёна, дерт, бара жö миян понда. Од тшöкыда вөрö ветлігөн ми колям бипурьяс кусöдтөг, со и лоöны пöжарьяс. Но и тайö абу на ставыс. Эмöсь сэтшöм йöз, кодьяс пазöдöны лэбачьяслысь позьяссö, либö босьтöны позсыс кайпиянсö. Та бöрын лэбачьясыс мунöны сійö местасыс, кольöны позьяссö тыртöмөн. А мукöд йöзыс чегьялöны пу вожьяссö, таялöны да лёкысь нетшкöны дзоридзяс, быд пöлöс тшаксö... А öд ставыс тайö кодлыкö да колö. Бырас кö мыйкö öтитор, сы бöрся бырас ставыс. Сідзи нин лöсьöдöма миян му вылын.

Колö видзны миянлысь вөр-васö, öд сійö сэтшöм мича быд кадö. Тöвнас вöрыд выті нин мича. Став пуыс эзысьөн вевтысьöма. Найö быттö узыöны небыд эшкын улын. Лымйыс вевттöма пуяссö гөгöрбок, мед оз кынмавны кузь тöвнас. Мунан вөрö, да быттö мойдö веськалан.

Тулысын ставыс ловзьö, садьмö. Пуяс заводитöны садьмыны. И гөгöрбок ставыс вежсьö. Пуяс вылын петöны гарьяс, мыччысьöны медводза корьяс. А пу улын петкöдчöны медводдза дзоридзяс – лымдзоридзяс. Асланыс гуясын садьмöны ошьяс да петöны ортсы. А со неылын зэв öдйö да ыджыд гөлöсөн котöртö кытчöкö вöрса шор, кодöс мöд ног шуöны – ёль. Сійö сэтшöм гораа сёльгö, быттö корö тэнö ворсыштны ськөд.

Гожомнад ставныс тэрмасьоны, мыйкө вөчөны-ноксьоны. Өд
гожомнад вөр-ваын водзмөстчө выль олөм.

А арыд быттьө мойдыввса серпас. Пуяс пасьталісны выль
платтьөяс: турунвижъяс, гөрдъяс, пемыд гөрдъяс, кольквижъяс, пемыд
вижъяс. Синтө весиг пөртмалө став тайө мичсьыс. Но арыд ещө миянөс и
вердө. Сетө миянлы быд пөлөс тусь: пув, чөд, мырпом, чөдлач, турипув да
сідз водзө. Сетө и зэв уна тшак: вагоб, гоб, еджыд гоб, ельдөг, да сідз водзө.
Арнад ми чукөртам ставсө, мый быдмис гожөмбыд.

Сідзкө колө видзны да радейтны ассьыд вөр-ватө. Өд вөрыд – тайө
миян ставыс. А ми кө ог кутөй сійөс видзны, то вөр-ваыд дзикөдз вошас-
бырас. А тайөдз вайөдны дзик некыдз оз позь.